

REFERAT MIA - Meeqqanut, Ilaqutariinnut Atuartitaanermullu Ataatsimiititaq d. 06-11-2025

Mødedato Torsdag d. 06. november 2025 kl. 19:00

Mødested Kommunalbestyrelsesip ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ukioq atuarfiusumi 2025/2026-mi Tasiilamiit nunaqarfiiniillu atuartunik Nuummi atuartut angerlar	6
Nuummi atuartut angerlarsimaffiat pillugu nakkutilliinermiit nalunaarusiaq.....	9
Qeqertarsuatsiaat atuarfiannut nakkutilliiartornermiit nalunaarusiaq.....	12
Ulluunerani paaqqinnittarfinnut utaqquisut allattorsimaffii pillugit ilisimatitsissut.....	15
Nuummi meeqqanik angerlartitsineq.....	18
Kisitsisit pingaarnerit - Meeqqanut Ilaqutariinnullu Ingerlatsivik Kvartalit pingajuat 2025.....	20
2026-mi politikkikkut ataatsimiiffissat.....	23
Atuarfik Inussuk pillugu siunnersuut.....	25
Akigititassat 2026.....	28
Lukket.....	30
Lukket.....	31
Lukket.....	32
Tamalaat.....	33
Imaqarniliap akuerineqarnera.....	34

Punkt .: Saqqaa

Ilaasorta:

Poul Petersen (D)
Arnanguak Steenholdt (IA)
Ida Julie Andersen (IA)
Doris J. Jakobsen (S)
Laura Tãunajik Uitsatikitseq (S)

Beslutning

Peqataasut:

Poul Petersen (D)
Arnanguak Steenholdt (IA)
Ida Julie Andersen (IA)
Doris J. Jensen (S)

Attaveqaatitigut peqataavoq:

Laura Taunãjik Uitsatikitseq (S)

Punkt .: Oqaluuserisassat akuerineqarneri

Beslutning

Oqaluuserisassat akuersissutigineqarput

Punkt .: Nalunaarutit

Beslutning

Pisortamit nalunaarutit:

- Ingerlatsivimmit ulluunerani neqeroorutini nakkutilliinerup pitsaanerulersinneqarnissaa sulissutigineqarpoq. Ullumikkut nakkutilliinerit allaffissornermik sulinermut tunnganerupput, taakkualu aqutsisumik apersuinikkut ingerlanneqartarput. Massakkumiit atortoq KIDS atulissavarput, taannalu paaqqinnittarfinni perorsaanermik sulinermik malinnaaviginninnermik annertuumik ukkassisuuvoq. Taamaattumik ingerlatsivimmi nakkutilliisumik akuersissuteqartoqarpoq, nakkutilliinernik taakkuninnga ingerlatsisussamik. Taakkua saniatigut atortup KIDSip pingajussaannik nutarterneqarneranut atatillugu Kalaallit Nunaanni inatsimmut kulturimullu naleqquttumik sanasoqarsinnaanissaa naatsorsuutigaarput.

Punkt 1: Ukioq atuariusumi 2025/2026-mi Tasiilamiit nunaqarfiiniillu atuartunik Nuummi atuartut angerlarsimaffianiititsineq

Beslutning

Ilisimatitsissut tusaatissatut tiguneqarpoq.

Ukioq atuarfiusumi 2025/2026-mi Tasiilamiit nunaqarfiiniillu atuartunik Nuummi atuartut angerlarsimaffianiititsineq

Ilisimatitsissut

SagsID.: EMN-2020-01261

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Ilaqtariinnut Atuartaanermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Atuariartortunut atuartut angerlarsimaffianiititsisarneq pillugu Namminersorlutik Oqartussat nalunaarutaat nr. 76, 21. december 2021-meersumi § 2, imm. 1 naapertorlugu, 9. klassimi 10. klassimilu atuartunut illoqarfigisaminni nunaqarfigisaminniluunniit atuartinneqarnissamut neqeroorfigineqarsinnaanngitsut atuartut angerlarsimaffianiinnissaannut Kommunalbestyrelse neqeroortussaavoq.

Nuummi atuartut angerlarsimaffiat ukiuni atuarfiusuni kingullerni najugaqartukippoq, nunaqarfinniit Kapisilinniit, Qeqertarsuatsiaaniit Arsummiillu atuartut angerlarsimaffianni najugaqartartut ikiliartornerat pissutaallutik. Peqataanik Ittoqqortoormiinit atuarfimi 8.-10. klassit pilersinneqaaqqinnissaat 2021-mi marsip ulluisa aappaanni Kommunalbestyrelsimit akuersissutigineqarpoq, taamaattumillu Ittoqqortoormiiniit atuartut atuartut angerlarsimaffiannukassaarlutik. Taamaammat atuartut angerlarsimaffiannukartartut ikileriaqqippot.

Ukiup atuarfiusup 2025/2026-p aallartinnissaa sioqqullugu, nunaqarfinniit Arsummiit, Kapisilinniit Qeqertarsuatsiaaniillu atuartut atuartut angerlarsimaffianni najugaqartut amerlassusiligaanerak katillugit 24-sunit atuartut najugaqartut pingasuinnaasussaagaluaramik. Ittoqqortoormiini angajulliit pilerseqqinneqarnissaannut 2021-mi Kommunalbestyrelsip aalajangerneranut atatillugu, pilersitseqqiinerup kingunerisaanik Paamiuniit, Tasiilamiit eqqaannilu nunaqarfiiniit atuartut Nuummi atuartut angerlarsimaffianni inissanik neqeroorfigineqarsinnaassanersut ilaatigut naliliisoqartussaavoq.

Nammineq illoqarfigisap avataani atuartaanermut ilaatigut periarfissinneqarnikkut, Nuummi atuartut angerlarsimaffianni inissat tamakkiisumik atornerqarnissaat qulakkeerniarlugu kiisalu atuartut attaveqaaqatigiinnissinnaanerak qulakkeerniarlugu, ukioq atuarfiusoq 2025/2026-mut kommunimi illoqarfinniit nunaqarfinniillu allanit qinnuteqarsinnaasut periarfissaqarnerunissaat misiliutitut atornerqassasoq Meeqqanut Atuarfeqarnermullu Ingerlatsivimmiit aalajangiunneqarpoq. Tamatumunnga atatillugu Tasiilamiit, Sermiligaamiit Kuummiiniillu atuartunik najugaqartussanik akuerinnittoqarpoq. Taamatut amerliliinermi maanna 2025-mi aggustimiit najugaqartut 14-inngorput. Taamaalillutik agguataarnerak imaalerpoq Arsummiit ataaseq, Qeqertarsuatsiaaniit marluk, Sermiligaamiit pingasut, Kuummiiniit marluk Tasiilamillu arfinillit.

Nuummi atuartut angerlarsimaffianniitsitsisarnissami nalunaarummit piumasaqaataasumut naapertuuttumik atuartut sumiiffimmini 9. aamma 10. klassimik neqeroorfigineqarsinnaanngitsut



salliutinneqarput. Nuummi Tasiilamilu atuartut angerlarsimaffiini illoqarfimmi nunaqarfimmilu atuartunik angerlarsimaffinniititsisarnermut malittarisassanik erseqqissaasussanik najoqqutassaq ingerlatsivimmiit suliarineqassaaq kiisalu ukiup atuarfiusup naanerani naliliineq ingerlanneqassalluni.

Ingerlatsivimmit aningaasatigut sulisoqarnikkullu naliliinerit

Tasiilamiit nunaqarfiiniillu atuartunik atuartut angerlarsimaffianniititsisarnermut atatillugu aningaasartuutit missingersuutitut killiliussat iluiniitinneqarsinnaapput.

Missingersuusiornermut Naatsorsuusiornermullu Immikkoortortamit aningaasatigut naliliineq

Oqaaseqaateqartoqanngilaq.

Inatsisitigut tunngavissaq allakkallu tunngaviusumik uppersaatiillit

- Atuariartortunut atuartut angerlarsimaffianniititsisarneq pillugu Namminersorlutik Oqartussat nalunaarutaat nr. 76, 21. december 2021-meersoq

Ilanngussat

Ilanngussaqaanngilaq.

Punkt 2: Nuummi atuartut angerlarsimaffiat pillugu nakkutilliinermi nalunaarusiaq

Beslutning

Ilisimatitsissut tusaatissatut tiguneqarpoq.

Bilag

Nuummi atuartut angerlarsimaffiannik nakkutilliinermi nalunaarusiaq, juuni 2025



Nuummi atuartut angerlarsimaffiat pillugu nakkutilliinermi nalunaarussiaq

Ilisimatitsissut

SagsID.: EMN-2025-02052

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Ilaqutariinnut Atuartitaanermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Atuariartortunut atuartut angerlarsimaffianniititsisarneq pillugu Namminersorlutik Oqartussat nalunaarutaanni nr. 15, 3. december 2012-meersoq § 26-29 naapertorlugu Kommunalbestyrelse kommunimi atuartut angerlarsimaffiannik nalinginnaasumik aamma perorsaanermtunngasunik nakkutilliisussaavoq. Meeqqanut Atuarfeqarnermullu Ingerlatsivimmit ulloq 12. juuni 2025 Nuummi atuartut angerlarsimaffianni ilimasaaruteqareernikkut nakkutilliisoqarpoq.

Nuummi atuartunut angerlarsimaffik atuartunut 24-nut inissaqarpoq. Arsummit, Qeqertarsuatsiaanit Kapisilinniillu atuartunik najugaqartoqartarpoq. Siusinnerusuklut Ittoqqortoormiinit atuartunik najugaqartoqartarnikuuvoq. Tassani atuartut angajullit atuartinneqaqqittalernerisa kingorna atuartut angerlarsimaffianni atuartut amerlassusaat appariangaatsiarpoq. Ukioq atuarfiusumi 2025/2026-mi Tasiilamit nunaqarfiiniillu atuartunik Nuummi 9. aamma 10. klassertussanik najugaqartoqassaaq.

Nakkutilliinermi atuartut sisamat Arsummeersuupput aamma Qeqertarsuatsiaaneersuupput kiisalu atuartut nutaat aqqanillit Sermiligaameersut (3), Kuummiineersut (2) aammalu Tasiilameersut (6). Atuartup ataatsip Arsummeersup atuarnini naammassinerata kingornatigut atuartut massaklut amerlassusaat katillugit 14-iupput.

Nakkutilliinermut tamakkiisumik suliatigut nalilerneqarpoq, atuartut angerlarsimaffianni aqutsisoq ukiunik arlalinnik misilittagaqartuusoq aammalu aqutsisoqatigiit sulisullu suleqatigiilluartut. Sulisut tamarmik atassuteqarnermut piginnaasat pillugit pikkorissartinneqarnikuupput, marluk "Ilinniartut inaanni perorsaaneq" pillugu pikkorissarnermi peqataanikuupput, ataaseq najugaq qimannagu perorsaasunngorniarluni ilinniakkamik qinnuteqarpoq. Piginnaasatigut ineriartortitsineq aqutsisumit ingerlaavartumik pilersaarusionerqartarpoq, siunnersortinik psykologinillu pikkorissarnermut siunnersuunernilu peqataatitsisumik.

Atuartut sunngiffimmi sammisaqarnerni peqataasarput kisimik najugaqanngikkunik kissaatertik malillugu ineqateqartarput. Najugalinnut isumalioqatigiissitaq nerisassanut pilersaarummut sunnuteqartarpoq. Ukiut tamaasa atuarnernup aallartinnginnerani atuartut sulisullu aallaarsimaartarput, aamma atuartut juullimi aasaanerani atuanngiffeqarnerini angerlamut akiliunneqartarput.

Tulleriissaarinermi ataatsimiititaq ingerlalluarpoq aamma ingerlaavartumik malinnaatinneqartarput qinnuteqaatinut najugaqarnernillu taamaatitsinernut.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.



Missingersuusionermut Naatsorsuusionermullu Immikkoortortamit aningaasatigut nalililneq

Pisariaqanngilaq.

Inatsisitigut tunngavissaq allakkallu tunngaviusumik uppersaasatillit

- Atuariatortunut atuartut angerlarsimaffianiititsisarneq pillugu Namminersorlutik Oqartussat nalunaarutaat nr. 15, 3 december 2012-meersoq.

Ilanngussat

1. Nuummi atuartut angerlarsimaffiannik nakkutilliinermut nalunaarussiaq, juuni 2025

Punkt 3: Qeqertarsuatsiaat atuarfiannut nakkutilliarturnermit nalunaarusiaq

Beslutning

Ilisimatitsissut tusaatissatut tiguneqarpoq.

Bilag

Nakkutilliarturnermit nalunaarusiaq Qeqertarsuatsiaat Atuarfiat 2025



Qeqertarsuatsiaat atuarfiannut nakkutilliiartornermit nalunaarusiaq 2025

Ilisimatitsissut

SagsID.: EMN-2025-02382

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Ilaqutariinnut Atuartitaanermullu Ataatsimiititamat inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Atuarfik pillugu Inatsisartut inatsisaat nr. 15, 3. december 2012-imeersumi § 43 naapertorlugu Kommunalbestyrelse atuarfeqarfiit ingerlanneqarnerannik nakkutilliissalluni pisussaavoq. Qeqertarsuatsiaat atuarfiannut nakkutilliiartornerq 4. juuni 2025-mi ingerlanneqarpoq.

Atuarfik 24-nik atuartoqarpoq, taakkuninnga atuartut tikeraartut sisamat immikkullu atuartitsinermit atuartut pingasut, pingasuni ukioqatigiiaanngitsunik klassini agguataarneqarsimasut. Ilinniartitsisut tamarmik ilinniarsimasuupput, aamma ilinniartitsisunik amerlassusiliineq atuartut amerlassusaannut atatillugu naapertuuttut naliliiffigineqarpoq.

Nakkutilliinerup takutippaa, atuarfimmit angajoqqaanik ingerlalluartumik suleqatigiittoqartoq aamma assigiinngiiaartumik atuartitsinermit pitsaasunik najoqqutassaqaartoqartoq. Taamaattoq perorsaanikkut aqutsinerup patajaallisarneqarnissaa pisariaqarpoq, tassunga ilanngullugu allaffissornikkut atortut soorlu TEA aamma GetOrganized kiisalu uppersaatit malinnaaffiginnineq, taakkuninnga ilanngullugit Angusakka, iliuusissatut pilersaarutit aamma atuartitsinermit pilersaarutit. Atuartitsinermit aqutsisut nakkutilliisanngillat, aamma sulisunik ineriartortitsinissamat oqaloqatigiinnerit ingerlanneqartanngillat. Atuartut atuanngitsoortarneri allattuinnarlugit nalunaarsorneqartarput ilinniartitsisullu sulinningitsoortarnerat aqqissuussaasumik malinnaaffigineqanngillat.

Atuarfik allamat nuukkallarneqarnikuuvoq oqoqarnera pissutigalugu, tamannalu init atorneqartut eqqarsaatigalugit pingaaruteqarsimavoq. Atuarfimi siulersuisut atuukkunnaarsimapput, 2025-milu novembarimi nutaamik pilersitsisoqarnissaa naatsorsutigineqarpoq. Atuartunut siunnersuisoqatigiit suli pilersinneqanngillat. Aqutsisut aningaasanik aqutsinermit peqataatinneqarnerunissaat aamma nammineerlutik akuersisinnaanissaat akiligassanillu konteriisarnissaat pisariaqartinneqarpoq. Ataatsimut isigalugu atuarfik pitsaasumik atugassaqarfiusutut nalilerneqarpoq, ingerlatsivimmiilli pitsaanagerusumik aqutsisut malinnaaffigineqarnissaat tapersorsorneqarnissaallu pisariaqartinneqarpoq atuarfiup ingerlanneqarnerata pitsaasuunissaa aqqissuussaanaissaalu qulakkeerniarlugu.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

Meeqqanut, Ilaqutariinnut Atuartitaanermullu Ataatsimiititaq, 06.11.2025



- Atuarfik pillugu Inatsisartut inatsisissaattut siunnersuut nr. 15, 3. december 2012-imeersoq

Ilangussat

1. Nakkutilliiartornermut nalunaarusiaq Qeqertarsuatsiaat atuarfiat 2025

Punkt 4: Ulluunerani paaqqinnittarfinnut utaqqisut allattorsimaffii pillugit ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Utaqqisut allattorsimaffiat, Kommuneqarfik Sermersuumi ulluunerani neqeroorutini inissat atorpeqanngitsut aamma piviusut ulloq 16. oktobari 2025

Ulluunerani paaqqinnittarfinnut utaqqisut allattorsimaffii pillugit ilisimatitsissut

Ilisimatitsissut

SagsID.: EMN-2025-03302

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Ilaqutariinnut Atuartitaanermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisaat nr. 62, 20. novembari 2023-meersumi § 8, imm. 3 naapertorlugu qinnuteqartut tamarmik inissaqartinneqanngippata utaqqisunut allattorsimaffimmik kommunalbestyrelse pilersitsissaaq.

16. oktobari 2025-mi utaqqisut allattorsimaffiini nalunaarsuinerit ilanngussaq 1-imi, tabel 1-imi takuneqarsinnaapput. Naatsorsuinerup utaqqisut allattorsimaffii tamakkiisumik takutippai, tassa imaappoq meeqqat tamarmik ulluunerani neqeroorutitut allatsissimasut, apeqqutaatinnagu meeraq ulluunerani neqeroorummi inissamik tiguisinnaanissaminut suli mikivallaarnersoq. Utaqqisut allattorsimaffiini allatsissimasut tamarmiusut meeqqat 48-uupput.

Meeqqat qaammatit tallimmiineranniit ulluunerani neqeroorutini inissanut allatsereersinnaapput, taamaattorli meeraq qaammatinik arfineq marluleereerneranit aatsaat ulluunerani neqeroorummiilersinnaalluni. Ilanngussaq 1-imi, tabel 2-mi takuneqarsinnaavoq utaqqisunut allattorsimaffimmik piviusumik takutitsisuusoq, tassa meeqqat utaqqisut allattorsimaffianniittut qaammatai arfineq marluk utoqqaanerusulluunniit qassiunersut. Tassa imaappoq, inissamik neqeroorfigineqarunik ingerlaannartumik ulluunerani neqeroorummiilersinnaasut. Utaqqisunut allattorsimaffimmi piviusumi meeqqat 34-uupput.

Ilanngussaq 1-imi, tabel 2 naapertorlugu, allattorsimaffimmi piviusumi meeqqat 34-iusunit meeqqat 30-it Nuummi ulluunerani neqeroorutitut utaqqisuniittuupput. Ilanngussaq 1-imi, tabel 3-mi takuneqarsinnaavoq meeraaqqerivinni, meeqqerivinni, atuareernerullu kingorna ornittakkani (AKO aamma FRO) inissaatit atorineqanngitsut amerlanerusut meeqqanit utaqqisuniittuninngarnit. Meeqqanik utaqqisunut allattorsimaffianiittoqarneranut, naak ulluunerani neqeroorutit inissanik atorineqanngitsunik peqaraluortoq, peqqutaanerpaavoq angajoqqaat ulluunerani neqeroorutini aalajangersimasuni inissamik kissaateqarnerat.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq

Inatsisitigut tunngavissaq allakkallu tunngaviusumik uppersaatillit

- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat nr. 62, 20 novembari 2023-meersoq
- Inissamik innersuussinermi malittarisassat – meeqqanut suli atualinngitsunut perorsaanikkut inerikkiartuutaasunik ulluunerani neqeroorutit

Ilanngussat

1. Utaqqisut allattorsimaffiat, Kommuneqarfik Sermersuumi ulluunerani neqeroorutini inissat atorneqanngitsut aamma piviusut ulloq 16. oktobari 2025

Punkt 5: Nuummi meeqqanik angerlartitsineq

Beslutning

Ilisimatitsissut tusaatissatut tiguneqarpoq.

Nuummi meeqqanik angerlartitsineq

Ilisimatitsissut

SagsID.: EMN-2025-02408

Meeqqanut Ilaqutariinnullu Ingerlatsivik – pisortaq Frederik Lundblad / FREL

Inassuteqaat

Meeqqanut Ilaqutariinnullu Ingerlatsivimmit Meeqqanut, Ilaqutariinnut Atuartitaanermullu

Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Meeqqanut Ilaqutariinnullu Ingerlatsivimmit Kommuneqarfik Sermersuumi meeqqanut inuusuttunullu tamanut pitsaanerpaanik atugassaqartitsinissaq sulissutigineqartarpoq. Meeqqat inuusuttullu toqqissisimanartumi, tapersorneqarlutik aamma kaammattorneqarlutik alliertornissaat anguniagaraarput. Piffissami kingullermi angerlartitsinissamut suliassaqarfimmi malunnaateqarluartumik angusaqarsimavugut. Nuummi meeqqat katillugit 26-t ilaqtaminnut angerlartinneqarput. Taakkunani piffissami 2024-mi decembarimiit 2025-mi juulimut 13-it angerlartinneqarput. Tamatuma kingorna piffissami 2025-mi juuli-aggustimi 13-inik angerlartitsisoqaqqippoq, taamaalilluni Nuummi angerlartitseqqinnerit katillugit 26-upput.

Taamatut pitsaasumik ineriartortitsinermut aalajangiisuusimavoq, oqartussaaffeqarfimmi sullissisunit angerlartitsinissaq ukkatarineqarsimammat kiisalu ilaqtariinnut mianerisarialinnut inissanik pissarsinissaq sulissutigineqarsimavoq, taamaalilluni meeqqat avatangiisinut patajaatsunut angerlarteqqinnissaat periarfissaalersimavoq.

Siunissami angerlartitsisarnerit suli immikkut ukkatarisassavagut, saniatigullu iliuuseqartarnikkut ilaqtariit pisariaqartitaminnik tapersorneqartarnissaat qulakkeertassavarput. Taamaalilluni angajoqqaat piffissaq ungasinnerusoq eqqarsaatigalugu meeqqaminnik isumassuinissaminnut pitsaanerpaamik atugassaqartinneqarnissaannut periarfissiisoqassaaq.

Nuummi taamatut ineriartortoqarneranik takusinnaasarput Tasiilamut, Paamiunut Ittoqqortoormiinnullu, najukkami fagcheft qanimut suleqatigalugit, siammarusupparput. Taamaalilluni kommunimi meeqqat amerlanerusut ilaqtaminni toqqissisimanartumik patajaatsunilu atugassaqarlutik alliertornissaat sulissutigaarput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Meeqqat tapersorneqarnissaannut Inatsisartut inatsisaat nr. 20, 26. juuni 2017-imeersoq
- Meeqqanut Ilaqutariinnullu Politikki 2025 - 2035

Ilanngussat

Soqanngilaq.

Punkt T: Kisitsisit pingaarnerit - Meeqqanut Ilaqutariinnullu Ingerlatsivik Kvartalit pingajuat 2025

Beslutning

Ilisimatitsissut tusaatissatut tiguneqarpoq.

Bilag

Meeqqanut Ilaqutariinnullu Ingerlatsivimmi kisitsisit pingaarnerit - kvartalit pingajuat 2025

Kisitsisit pingaarnert - Meeqqanut Ilaqutariinnullu Ingerlatsivik

Kvartalit pingajuat 2025

Ilisimatitsissut

SagsID.: EMN-2024-00008

Meeqqanut Ilaqutariinnullu Ingerlatsivik – pisortaq Frederik Lundblad / FREL

Inassuteqaat

Meeqqanut Ilaqutariinnullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamat inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Ulloq unnuarlu paaqqinnittarfinni inissineqartut agguataaqatigiissillugit 2025-mi kvartalit aappaanni 172,33-niit kvartalit pingajuanni 166,33-nut ikilipput. Naliliinerit malinnaatitsinerillu meeqqanik inuusuttunillu angerlartitsinernik kinguneqartut (tabeli 1) pissutaallutik ikilipput.

Tabeli 2 malillugu meeqqat 14-it kvartalit pingajuanni angerlartinneqarput, pingaartumik aggustimi qulit angerlartinneqarput, matumani siusinnerusukkut nalilersuisimanerit atuutilerlutik. Septembarimi angerlartitsisoqanngilaq, nalilersuinerit nutaat aallartinneqarmata.

Inuusuttut suliniuteqareernerimi malinnaaffigineqartut amerlassusaat (tabeli 3) ulloq unnuarlu paaqqinnittarfinni 26-ninngaanniit 28-nut amerleriarput angajoqqaarsianilu allannguuteqanngitsumik 12-iullutik (tabeli 3.1). Amerleriarnerinut pissutaavoq, inuusuttut arlallit 18-iliinerat suliniuteqareernimilu malinnaaffigineqarnernut nangitsillutik.

Tabeli 4-p takutippaa, angajoqqaarsianut inissiinerit amerlassusaat agguataaqatigiissillugit 170,67-niit 154-nut ikileriarput.

Meeqqat angerlartinneqarsinnaanngitsut pingaarnertut ulloq unnuarlu paaqqinnittarfimmiit angajoqqaarsianut nuutsinniarlugit sulissutigaarput. Tamanna matumuuna annertunerusumik pingaartinneqassaaq. Tasiilami angajoqqaarsiat amerlassusaat allannguuteqanngillat, tassa ilaqutariit marluk nutaat paarsisartunngormata marlullu paarsiunnaarlutik.

Angajoqqaarsiat amerlassusaat (tabeli 5) 116,33-niit 107,67-nut ikileriarput. Ikilinerannut pissutaapput, ukiut apeqqutaatillugit suliunnaartoqarnerat nuuttoqarnerallu, peqatigitillugu Tasiilaq angajoqqaarsianik marlunnik akuersissuteqarpoq. Inuusutissarsiutigalugu ilaqutariit inuusutissarsiutigalugu paarsisartut amerlassusaat annikitsumik 4-niit 4,67-nut amerleriarput.

Tabeli 6-ip takutippaa, angajoqqaarsiani nutaani aggustimi utaqqiisaasumik amerleriarput, atuarnertup aallartinnerani pinasuartumik inissiinerit malitsigisaanik.

Ineriartornerup ataatsimut isigalugu takutippaa, inissiinerup qaffasissusaa annikinnerusooq angerlartinneqartullu amerlanerusut, tamannalu pitsaasutut nalilernerqarpoq. Taamaattorli ingerlatsivimmit nalilernerqarpoq, suliniuteqarnerup annertusitinneqarnissaanut nangitsitsinissaq aamma angajoqqaarsianik attassiinnarnissaq pisariaqartinneqartut.

Ingerlatsivimmit aningaasatigut sulisoqarnikkullu naliliinerit

Inissiinerit ikinnerulernerannut naatsorsuutigineqarpoq ulloq unnuarlu paaqqinnittarfinnut naleqqiullugu annikinnerusumik aningaasartuuteqarnermik malitseqassasut. Peqatigitillugu

siunissaq ungasinnerusoq eqqarsaatigalugu naatsorsuutigineqarsinnaavoq, angerlarsimaffinni ikiorsiinernut suliniuteqareernernilu malinnaaviginninnernut aningaasartuutit qaffassasut.

Missingersuusionermut Naatsorsuusionermullu Immikkoortortamit aningaasatigut nalillineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Meeqqat tapersorsorneqarnissaannut Inatsisartut inatsisaat pillugu Namminersorlutik oqartussat nalunaarutaat nr. 11, 16. marsi 2024-meersoq.

Ilanngussat

1. Meeqqanut Ilaqutariinnullu Ingerlatsivimmi kisitsisit pingaarnerit - kvartalit pingajuat 2025

Punkt 6: 2026-mi politikkikkut ataatsimiiffissat

Beslutning

Inassuteqaat akuersissutigineqarpoq.

Bilag

2026-mi politikkikkut ataatsimiiffissatut siunnersuutit

2026-mi politikikkut ataatsimiiffissat

Aalajangiiffigisassaq

SagsID: EMN-2024-02615

Pisortaqatigiit Allatseqarfiat – kommunaldirektøri Ole Jakobsen / OJAK

Inassuteqaat

Pisortaqatigiit Allatseqarfianiit Meeqqanut, Ilaqutariinnut Atuartitaanermullu Ataatsimiititamat inassuteqaatigaa:

1. 2026-mi politikikkut ataatsimiiffissat akuerineqassasut

Suliassamik saqqummiussineq

Aqutsinermut inatsimmi § 8-mi allaqqavoq "Kommunalbestyrelse aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalackersuisut ilisimatinneqassapput."

Meeqqanut, Ilaqutariinnut Atuartitaanermullu Ataatsimiititap suleriaasissaani §3-mi aamma allassimasoqarpoq "Ataatsimiititap ataatsimiittarnissamini piffissaq nammineq aalajangersassavaa".

Meeqqanut, Ilaqutariinnut Atuartitaanermullu Ataatsimiititap sisamangornikkut nal. 16.00. ataatsimiittarnissaa siunnersuutigineqarpoq. 2026-mi ileqquusumik ataatsimiinnerit arfineq marlut ingerlanneqassapput.

Politikkikkut ataatsimiiffissat taamatullu ataatsimiinnerni oqaluuserisassat imaqarniliallu kommunip nittartagaanut tamanut saqqummiunneqassapput. Politikikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

2026-mi politikikkut ataatsimiiffissat Naalackersuisunut nassiunneqassapput.

Ingerlatsivimmit aningaasatigut sulisoqarnikkullu naliliinerit

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

Missingersuusiornermut Naatsorsuusiornermullu Immikkoortortamit aningaasatigut naliliineq

Suliffeqarfiup iluani Kiffartuussivimmit oqaaseqaateqartitsisoqanngilaq, Suliffeqarfiup iluani Kiffartuussivik ullut ataatsimiiffissat aalajangersarniarneqarnerini peqataatinneqarsimavoq, taamaalilluni naatsorsuutit missingersuutit akuersissutigineqarnissaannut ilaalu ilanngullugit taakku naleqqussarneqarniassammata.

Inatsisitigut tunngavissaq allakkallu tunngaviusumik uppersaatitalit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussaq

1. 2026-mi politikikkut ataatsimiiffissat siunnersuutit

Punkt 7: Atuarfik Inussuk pillugu siunnersuut

Beslutning

Siunnersuut eqqartorneqarpoq, ataatsimiititarlu paasitinneqarpoq, maannakkumiit Atuarfik Inussuk ammarnissaata tungaanut kommunalbestyrelsimi ilaasortat atuarfik pillugu ilisimatinneqartalissasut.

Ataatsimiititami ilaasortat tusagassiorfinnut nalunaaruteqarnissaq sioqqullugu namminneq siulliullutik ilisimatinneqartarnissartik kissaatigaat.

Bilag

Oqaaseqaat – Meeqqanut Atuarfeqarnermullu Ingerlatsivik

Oqaaseqaat – Sanarfinermut Avatangiisinullu Ingerlatsivik

Atuarfik Inussuk pillugu siunnersuut

Kommunalbestyrelsimut ilaasortap Laura Táunájk Uitsatikitsiup (S) Meeqqanut, Ilaqutariinnut Atuartitsinermullu Ataatsimiititamut siunnersuutaa

Aalajangiiffigisassaq

SagsiD.: EMN-2025-00017

Inassuteqaat

Kommunalbestyrelsimut ilaasortap Laura Táunájk Uitsatikitsiup (S) Meeqqanut, Ilaqutariinnut Atuartitsinermullu Ataatsimiititamut siunnersuutaa

1. siunnersuut Kommunalbestyrelsimi oqaluuserineqassasoq suliallu ingerlariaqqinnissaa aalajangiiffigineqassasoq

Suliassamik saqqummiussineq

Kommunalbestyrelsimut ilaasortap Laura Táunájk Uitsatikitseq (S) 25.09.2025-mi Meeqqanut, Ilaqutariinnut Atuartitaanermullu Ataatsimiititamut aalajangiiffigisassaataut siunnersuummik nassiussivoq. Laura Táunájk Uitsatikitseq (S) Meeqqanut, Ilaqutariinnut Atuartitsinermullu Ataatsimiititamut qulequtaq Atuarfik Inussuk oqaluuserineqarnissaanik kissaateqarpoq.

Toqqammavilersuut:

"Pilersaarutit malillugit ukioq kingulleq August 2024-mili aturfissuaq INUSSUK ammartussaagaluaq maannamut sulisinnaasut Tamanna pisimannngilaq. Kingunerluutit maanna saqqummertaleranni qanorpiaq pilersaarutit ingerlanerat paaserusunnarsivoq.

Nuummi aturfii arllallit oqummik eqqugaanerannik nalaataqarfiusut pequtaallutik USK matuneqarpoq. Tamanna aturtunut annertuumik eqquivoq. Aappaagumut soraarummeertussat annerpaamik uani eqqugaapput. Tamatuma qanoq pinngitsoortinneqarnissaa itinerusumik paasisaqarfiginissaa piffissanngorsorinarpoq. Ilisimareerparput aturtut COVID-19 nalaani angerlarsimatillugit aturtinniarsimanerat iluatsinnerpaasimannngilaq. Tamannalu uteqqissannngippat qanoq Kommune pilersaruteqarneris paaserusunnarpoq.

1. Qaqugu ammarneqarnissaa naatsorsuutigineqarsinnaava+
2. Tunngaviit suut aallaavigalugit ammaanissaq taamak sivistigisumik kinguartinneqarpa?
3. Aningaasatigut Kommunemut qanoq naleqarpa taamak kinguartitserujussuarneq?
4. Aturtut maanna sumi atuassappat? Aturfii amerlanerpaat Nuummi tattoqereermata.
5. Soraarummeertussat aappaagu qanoq karakterimikkut annasaqassannngikkunik suut imaluunniit qanoq aaqquissuussinissaq maannangaaq pilersarusiorneqarpa?"

Siunnersuut qanoq aningaasaliiffigineqassava?

Siunnersuuteqartumit erseqqissarneqannngilaq.

Inatsisitigut tunngavissaq allakkallu tunngaviusumik uppernarsaatillit

- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq:
§ 13. Kommunalbestyrelsimut ilaasortap kialuunniit kommunip susasaqarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutini saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:

Kommunalbestyrelsimut ilaasortaq kinaluunniit kommunip susassaqarfii pillugit kommunalbestyrelsimut suliassanngortitsisinnaavoq (aqutsineq pillugu inatsimmi § 13 innersuussutigalugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanut ilanngunneqareerpat, § 8 naapertorlugu suliap oqaluuserineqarnissaa pillugu kommunalbestyrelse ataatsimiinnermi aalajangiissaaq. Sulianut aalajangiiffisassatut siunnersuutitut ilanngunneqarsimasunut aamma tamanna atuuppoq.

Ilanngussat

1. Oqaaseqaat – Meeqqanut Atuarfeqarnermullu Ingerlatsivik
2. Oqaaseqaat – Sanarfinermut Avatangiisinullu Ingerlatsivik

Punkt T: Akigitassat 2026

Beslutning

Inassuteqaat akuersissutigineqarpoq, imatut allannguutitalerlugu: Nuummi innuttaasunut 20-t sinnerlugit ukiulinnut sunngiffimmi atuartsineq allanngortinneqassasoq 100 kr.-niit 0 kr.-nut.

Bilag

Akit MIA

Akigititassat 2026

Aalajangiiffigisassaq
SagsID.: EMN-2024-03558
Suliffeqarfimmut Kiffartuussivik – Marie Fleischer / MAFL

Inassuteqaat

Suliffeqarfiup Iluani Kiffartuussivimmit Meeqqanut Ilaqutariinnut Atuartitaanermullu Ataatsimiititamut inassuteqaatigineqarpoq:

1. 2026-mut akigititassat oqaluuserineqassasut akuersissutigineqassasullu, suliassa qarfinnut Meeqqanut Ilaqutariinnut Atuartitaanermullu Ataatsimiititap ataaniittunut tak. ilanngussa 1.

Suliassamik saqqummiussineq

2026-mut missingersuutini akuersissuteqarnermut atatillugu aalajangerneqarpoq, akigititassat ataatsimiititanit ataasiakkaanit aalajangerneqassasut akuersissutigineqassasullu.

2026-mi akigititassanut aallaavigineqartussat tassaapput (tak. missingersuusiornermut malittarisassat akuersissutaareersimasut), aningaasat 500 kr.-nit amerlanerusut akit akissarsiallu siumoortumik 2,34%-imik naatsorsorneqassasut. Taakkununga kollegianut akigititap aamma ulluunerani paaqqinnittarfinnut akigititap pineqanngillat.

Akigititani Meeqqanut Ilaqutariinnut Atuartitaanermullu Ataatsimiititap ataaniittuni missingersuusiornermut malittarisassani allassimasut saniatigut allanik allannguisoqarnissaanut siunnersuutigineqanngilaq.

Akigititap annikillisinneqarnissaat aalajangerneqassappat missingersuutini killiliussat pioreersut iluanni tamanna pissaaq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq

Inatsisitigut tunngavissaq allakkallu tunngaviumik uppersaattillit

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat nr. 13, 1. december 2021-meersoq
- 2026-mut missingersuutininut missingersuusiornissamut malittarisassat

Ilanngussat

1. Akit MIA

Punkt 8: Lukket

Punkt 9: Lukket

Punkt 10: Lukket

Punkt .: Tamalaat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 16:43